



Selain itu, penubuhan makmal-makmal korporat sedemikian juga kata Encik Heng,

Syarikat gergasi HP bekerjasama dengan NTU dalam bidang percetakan 3D

23/10/2018 20:25 Update: 23/10/2018 22:02



SINGAPURA: Singapura kini menempatkan makmal korporat baru syarikat gergasi HP bernilai \$84 juta, hasil kolaborasi bersama Universiti Techonologi Nanyang.

Ini kali pertama syarikat itu bekerjasama dengan sebuah universiti di Asia.

Di pelancarannya pagi Selasa (23 Okt), Menteri Kewangan Heng Swee Keat berkata kerjasama itu akan dapat mengukuhkan kedudukan Singapura sebagai salah satu pusat terpenting di dunia dalam bidang percetakan 3D.

Selain itu, penubuhan makmal-makmal korporat sedemikian juga kata Encik Heng, akan dapat mengukuhkan lagi proses dari penyelidikan ke inovasi dan kemudian ke peringkat perusahaan.

Kerjasama sedemikian juga dapat membantu Singapura membangunkan sebuah ekonomi berteraskan ilmu yang dirangsang inovasi dan masyarakat.

Makmal itu akan menjalankan 15 projek bagi lebih memahami penggunaan bahan-bahan baru, kecerdasan buatan serta keselamatan siber.

Kerjasama empat tahun itu akan melibatkan seramai 100 penyelidik dan kakitangan.

- CNA/NT/NA/tq